

نعت شریف

توں تاج مانیں عرش تے راج مانیں توں ہر نبی دا چنگا معراج مانیں
تیکوں آمنہ بی بی جایا تیکوں دائی حلیمہ چایا
تیڈا سارے جگ تے سایا توں تاج مانیں.....
توں عرب عجم دا سائیں تیڈیاں ہن صفتاں ہر جائیں
تیڈیاں پڑھدے ملک مداحیں توں تاج مانیں.....
تیڈے حوراں سہرے گاؤں نت پریاں گھول گھماؤں
کل ملک وی صدقے جاؤں توں تاج مانیں.....
تیڈے چارئی یار پیارے توں چن تے اوہن تارے
ہن نور اکھیں دے سارے توں تاج مانیں.....
ہن روضے وچ ڈوں رلے صدیق عمر سائیں بھلے
سر برسں نور تجلے توں تاج مانیں.....
ہے ابوبکر سائیں اعلیٰ من موہن تے متوالا
او بلبل توں گل لالہ توں تاج مانیں.....
کراں کیا تعریف عمر دی عثمان علی حیدر دی
ہم تانگہ انہاندے در دی توں تاج مانیں.....
ایں در توں خالی ولان ونج کھیں در پلو جھلان
میں گھناں مول نہ ٹلان توں تاج مانیں.....
تیڈا بوہا چھوڑ نہ ویساں تیڈے در تے امے جند ڈیساں
تیڈا داغ قبر وچ نیساں توں تاج مانیں.....
ابو عبدالغفار دا عرض ہے میکوں لاغر کیتا غرض ہے
تھیوے دفع تمامی مرضے توں تاج مانیں.....